

**ПОСЛЕДОВАНИЕ МОЛЕБНОГО ПЕНИЯ С АКАФИСТОМ
СВЯТОМУ, СЛАВНОМУ ПРОРОКУ, ПРЕДТЕЧЕ И КРЕСТИТЕЛЮ
ГОСПОДНЮ ИОАННУ в Храме Христа Спасителя 7 июня 2006 г.**

Диакон: Благослови, Владыко.

Священник: Благословен Бог наш, всегда, ныне и присно, и во веки веков.

Лик: Аминь.

Диакон: Слава Тебе, Боже наш, слава Тебе.

Лик: Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Чтец: Святыи Боже, Святыи Крепкий, Святыи Безсмертный, помилуй нас. **(Трижды.)**

Слава Отцу и Сыну и Святому Духу, и ныне и присно, и во веки веков, аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имени Твоего ради.

Господи помилуй. (Трижды.)

Слава Отцу и Сыну и Святому Духу, и ныне и присно, и во веки веков, аминь.

Отче наш, Иже еси на небесех, да святится имя Твое, да приидет Царствие Твое, да будет воля Твоя, яко на небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Возглас: Яко Твое есть Царство, и сила, и слава, Отца и Сына и Святаго Духа, ныне и присно, и во веки веков.

Чтец: Аминь.

Господи, помилуй. (12 раз.)

Слава Отцу и Сыну и Святому Духу, и ныне и присно, и во веки веков, аминь.

Приидите, поклонимся Царéви нашему Богу.

Приидите, поклонимся и припадём Христу, Царéви нашему Богу.

Приидите, поклонимся и припадём Самому Христу, Царéви и Богу нашему.

Псалом 142

Господи, услыши молитву мою, внуши моление мое во истине Твоей, услыши мя в правде Твоей, и не вниди в суд с рабом Твоим, яко не оправдётся пред Тобою всяк живый. Яко погна враг душу мою, смирил есть в землю живот мой, посадил мя есть в тёмных, яко мёртвыя века. И уны во мне дух мой, во мне смятёся сердце моё. Помянух дни дрéвния, поучихся во всех дéлах Твоих, в творéниях руку Твоею поучахся. Воздéх к Тебе руце мой, душа моя яко земля безводная Тебе. Скоро услыши мя, Господи, исчезé дух мой, не отврати лица Твоего от менé, и уподоблюся низходящим в ров. Слышану сотвори мне заутра милость Твою, яко на Тя уповах. Скажи мне, Господи, путь, в оньже пойду, яко к Тебе взях душу мою. Изми́ мя от враг моих, Господи, к Тебе прибегах. Научи мя творíти волю Твою, яко Ты еси́ Бог мой. Дух Твой благíй наставит мя на землю праву. Имене Твоего ради, Господи, живи́ши мя правдою Твоею, изведéши от печали душу мою и мíлостию Твоею потреби́ши враги моя и погуби́ши вся стужающия души моей, яко аз раб Твой есмь.

Слава Отцу и Сыну и Святому Духу, и ныне и присно, и во веки веков, аминь.

Аллилуйя, аллилуйя, аллилуйя, слава Тебе, Боже. (Трижды.) Господи помилуй (12 раз).

Слава Отцу и Сыну и Святому Духу, и ныне и присно, и во веки веков, аминь.

Таже диакон, Мирная ектения:

и по возгласе священника: Яко подобает Тебе...

Диакон: Бог Господь и явися нам, благословен Грядый во имя Господне.

Стих 1: Исповéдайтеся Господеви, яко Благ, яко в век милость Его.

Стих 2: Обышédше обыдоша мя и именем Господним противляхся им.

Стих 3: Не умру, но жив буду и повém дела Господня.

Стих 4: Камень, Егоже небрегоша зиждущий, Сей бысть во главу угла, от Господа бысть Сей и есть дивен во очесéх наших.

Тропарь Иоанну Предтече

**(Перенесение из Мальты в Гатчину десной руки Иоанна Крестителя),
глас 4:**

От запада возсиявши Предтéчева рука, / лучи испущает нетления верным исцелéний, / свыше собирает множество Ангел, / доле же созывает челове́ческий род, / единоголасно возсылати славу Христу Бо́гу.

Внимание! Тропари на 7 июня!

Тропарь, глас 4

Вознеслся еси во славе Христе Бо́же на́ш, / ра́дость сотвори́вый ученико́м / обетованием Святаго Ду́ха, / извещённым им бывшим благослове́нием, // яко Ты еси Сын Божий, Избавитель ми́ра.

Тропарь, глас 4

Яко Божественное сокровище / сокровéнное от земли / Христос откры́ главу твою́ на́м / Проро́че и Предтéче / вси убо сошедшееся в сия обрётение / песньми Богоглаголивými Спа́са воспойм, // спасающа нас от тления молитвами сво́ими.

Слава и ныне, Богородичен:

Еже от века утаенное, / и ангелом несведомое таинство: / Тобою Богородице сущим на земли явился Бог, / в неслитном соединении воплощаемь, / и крест волею нас ради восприим, / имже воскресив первозданнаго, // спасе от смерти души наша.

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омой мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих; яко да оправдишися во словесех Твоих, и победиши внегда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и Таинная премудрости Твоя явил ми еси. Окропиши мя иссопом, и очищуся; омыеши мя, и паче снега убеюся. Слуху моему даси радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзешу, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушено и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Канон св. Иоанну Предтече, глас 2 (канон был другой???)

Песнь 1

Ирмос: Во глубине постла иногда/ фараонитское всевоинство преоруженная сила,/ воплощенное же Слово/ всезлбный грех потребило есть:// препрославленный Господь, славно бо прославися.

Припев: Святыи великий Иоанне Предтече Господень, моли Бога о нас.

Крестителю и Предтече Христов, погружаемый всегда сладкими телесными ум мои управи и волны страстей укроти, яко да в тишине Божественней быв, песнословлю тя.

Припев: Святы́й великий Иоанне Предтече Господень, моли Бога о нас.

Недоуменным просветився просвещением, яко многосветлая звезда, мысленному Востоку предтекл еси, Имже озарится сердцу моему, Крестителю, моли, омраченному всеми бесовскими приложениями.

Слава: В реце бездну иногда, Всемудре, погрузил еси, потоп содевающую благодатию всего преступления. Но молюся, потоки, блаженне, моих прегрешении изсуши, Божественным ходатайством твоим.

И ныне: Чистыя Девы, Бога воплотившия, сродник был еси, блаженне Предтече, с Неюже ты чтим и молим, иже в Божественней храме твоём ныне живуще, храмы и нас сотвори Духа Святаго.

Песнь 3

Ирмос: На камени мя веры утвердив, расширил еси уста моя на враги моя, возвесели бо ся дух мой, вегда пети: несть свят, якоже Бог наш, и несть праведен паче Тебе, Господи.

Припев: Святы́й великий Иоанне Предтече Господень, моли Бога о нас.

Исцели струпы души моеи и ум мой, омраченный небрежением, озари Божественным твоим ходатайством, Господень Предтече, и всякаго избави мя сопротивнаго обстояния, молюся.

Припев: Святы́й великий Иоанне Предтече Господень, моли Бога о нас.

Неплодствие разрешил еси рождшия, родився Божиим промыслием, премудре пророче; неплодное убо сердце мое плодоносно ныне соде ел аи, Господень Предтече, ходатайством твоим, добродетели приносить прозябения.

Слава: Любовию твоею созидающаго Божественный дом, вышняго жития улучшить моли: и иже верою храму твоему служащия, храмы Духа Божественнаго сотвори, Крестителю и Предтече, ходатайствы твоими.

И ныне: Веселяшися Предтеча, в ложеснах носим матерних, и покланяшися Господу, носиму в ложеснах Твоих, Благодатная, Егоже моли от всякия скорби избавити мя.

Моли Бога о нас, / Святы́й великий Иоанне Предтече Господень, / яко мы

усердно к тебе прибегаем/ скорому помощнику и моли́твеннику о душа́х наших.

Таже диакон: Помилуй нас, Боже, по вели́цей милости Твоей, молим Ти ся, услыши и помилуй.

Лик: Господи помилуй. (Трижды.)

Еще молимся о Великом Господине и Отце нашем, Святейшем Патриарсе Алексии и о всей во Христе братии нашей.

Ещё молимся о богохрани́мей стране нашей, властѣх и воинстве ея, да тихое и безмолвное житие поживѣм во всяком благочестии и чистоте.

Еще молимся о милости, жизни, мире, здравии, спасении, посещении, прощении и оставлении грехов рабов Божиих, братии и прихожан святого храма сего (сеяться обители сия) и всех zde ныне нами поминаемых, и всех zde предстоящих и молящихся.

По сих же:

Ещё молимся за всю братию, и за вся христианы.

Возглас: Яко Милостив и Человеколюбец Бог еси́, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Кондак, гласъ 7. Подобень: «Еже о нас»:

Светоявленный и Божественный/ в мире столп, солнца светильник,/ Предтеча главу светоносную и божѣственную свою́/ показавый в концѣх,/ освящает той верно поклоняющихся и взывающих:// Христов премудрый крестителю,// спаси́ всѣх нас.

Песнь 4

Ирмос: Пришел еси от Девы, не ходатай, ни ангел,/ но Сам, Господи, во плоться/ и спасл еси всего мя человека./ Тем зову Ти:// слава силе Твоей, Господи.

Припев: Святы́й великий Иоанне Предтече Господень, моли Бога о нас.

Преклоншему небеса и человеком беседовавшу, главу преклонил еси десницею твоею, пребогате; еюже мя соблюди, во смирении сохраняя сердце мое.

Припев: Святы́й великий Иоанне Предтече Господень, моли Бога о нас.

Пустыня тебе гражданина непроходная имяше, блаженне Предтече, темже вопию ти: пугну всякаго Божественнаго деяния бывшу душу мою, плодосну сотвори.

Припев: Святы́й великий Иоанне Предтече Господень, моли Бога о нас.

Закон Божественный управляя, беззаконно заклан был еси. Темже молюся тебе: беззаконнующа мя всегда и прельщаема бесовскими прельщенми исправи.

Слава: Создав себе храм Владыще Царю, к Божественным селением ныне пришел еси, Предтече: яже получиши моли, тебе пресвятыи дом Воздвигшаго.

И ныне: Призри на мя недугующаго, Всенепорочная, и разреши страсти моя лютыя и неудобоисцельныя, яко да величаю Тя, возвеличившую все человечество.

Песнь 5

Ирмос: Просвещение во тьме лежащих, спасение отчаянных,/ Христе Спасе мой,/ к Тебе утренюю, Царю мира,/ просвети мя сиянием Твоим:// иного бо разве Тебе Бога не знаю.

Припев: Святы́й великий Иоанне Предтече Господень, моли Бога о нас.

В течениих Иорданских струю нетления, Предтече, крестив Христа, моли, истекания страстей моих изсушити, и потоки сладостныя наследовати, и праведных красная радования.

Припев: Святы́й великий Иоанне Предтече Господень, моли Бога о нас.

Уже рыдаю, и содрогаюся страхом, и недоумением всегда содержимь есмь, помышляя моя соделанная и будущий суд ужасный: Благоутробне Господи, пощади мя Твоего Крестителя мольбами.

Припев: Святы́й великий Иоанне Предтече Господень, моли Бога о нас.

Законополагаяй людям спасение, Предтече, в раскаянии прегрешении бывшее, посреде закона и благодати стал еси. Сего ради молим тя, образи покаяния нас просвети.

Слава: Дажь ми время покаяния, унынно прешедшее все иждившему, Благодетелю, имея на сие молящаго Тя, Слове, Иоанна великаго, Предтечу и покаяния всемирнаго проповедника.

И ныне: Наветы и ловлении льстиваго умертвихся, Владычице Всенепорочная, оживи мя, яже рождающая Живот всех, Богородице, ипостасный, да Тя пою благочестно Всенепорочную.

Песнь 6

Ирмос: В бездне греховней валяясь, / неизследную милосердия Твоего призываю бездну: // от тли, Боже, мя возведи.

Припев: Святыи великий Иоанне Предтече Господень, моли Бога о нас.

Глас Слова проповедавши, всех гласы восприем, проси грехов прощение даровати верою поющим тя.

Припев: Святыи великий Иоанне Предтече Господень, моли Бога о нас.

Сокрушение души моя исцели, и грехов бремя разреши, и паче надежды спаси мя молитвами твоими, блаженне Предтече.

Слава: Иисуса, Егоже рукою твоею крестил еси, Предтече, моли, руки греха избавити мя, взимающая к Нему руце присно, всеславне.

И ныне: Дреманием леностным одержимь есмь, сон греховный тяготит сердце мое: Твоим, Пречистая, бденным ходатайством, воздвигни и спаси мя.

Моли Бога о нас, / Святыи великий Иоанне Предтече Господень, / яко мы усердно к тебе прибегаем / скорому помощнику и молитвеннику о душах наших.

И глаголет диакон, ектению малую: Паки и паки миром Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Возглас: Яко благословися имя Твое, и проелавися Царство Твое, Отца и Сына и Святаго Духа, ныне и присно, и во веки векбв.

Лик: Аминь.

И абие акафист:

**АКАФИСТ
СВЯТОМУ СЛАВНОМУ ПРОРОКУ, ПРЕДТЕЧЕ
И КРЕСТИТЕЛЮ ГОСПОДНЮ ИОАННУ**

Память празднуем 21 января, 9 марта, 7 июня, 7 июля, 11 сентября, 6 октября

Кондак 1

Избранный от лет древних быти Предтечею/ и Крестителем Спасителя мира Христа Бóга,/ Иоанне богохвальные,/ прославляюще прославльшаго тя Гóспода,/ похвальная восписуем ти, яко большему всех рожденных женами,/ во плоти ангелу, покаяния проповеднику./ Ты же, яко имей велие дерзновение ко Гóсподу,/ от всяких бед свободяя/ и к покаянию воздвизай нас, любовь тебе зовущих://

Радуйся, великий Иоанне,/ Пророче, Предтече и Крестителю Господень.

Икос 1

Архангел Гавриил, предстояй пред Богом послан бысть ко иерею Захарии, егда той служба по чину чреды своя, вниде покадити в церковь Господню, и, представ одесную алтаря кадилаго, благовествоваше о твоём рождестве, великий Иоанне, возвещая Захарии радость и веселие и яко мнози о рождестве твоём возрадуются. Сего ради и мы, дивному о тебе Божию благоволению чудящиеся и радующеся, со благоговением в похвалу тебе вопием:

Радуйся, Совета Божия неизреченного тайнниче;/ радуйся, дивнаго смотра Его исполнѣние.

Радуйся, прежде лет многих пророчеством Исаии проявлѣнный;/ радуйся, вестниче пред лицем Господним, древне прореченный.

Радуйся, предназначенный быти великим пророком Вышняго;/ радуйся, по обетованию Ангела рождѣнный.

Радуйся, еще во чреве матере твоея Духа Святаго исполненный;/ радуйся, прежде рождества твоего на великое служение извещѣнный.

Радуйся, неплодства родителей разрешѣние;/ радуйся, иерея Божия радость и весѣлие.

Радуйся, дочери Аароновы прозябѣние;/ радуйся, плод молитвы Богодарованный.

Радуйся, великий Иоанне,/ Пророче, Предтече и Крестителю Господень.

Кондак 2

Видя Захария являшагося ему Ангела, смутися, и страх нападе на нь, и не верова словесем благовестия его о рождестве твоём: егда же за неверие немотою связан бысть, удивляшеса преславному чудеси, всем сердцем вопия Богу: Аллилуиа.

Икос 2

Разум неуразумеваемый разумети ищуще людие, ждуще Захарию, чюдяхуся, умедлившу ему в церкви; изшедшу же ему и не могущу глаголати к ним, но токмо помагающе, разумеша вси, яко видение виде в церкви. Мы же, прославляюще дивнаго Творца чудес, Бога, вопием тебе таковая:

Радуйся, благий виновниче безгласия отча;/ радуйся, слез матере твоея пременение на радость.

Радуйся, тоя поношения в людех отъятие;/ радуйся, великое рождшим тя утешѣние.

Радуйся, яко в шестый месяц о зачатии твоём Пресвятая Дева Мария в

Назарете от Ангела известіся;/ радуйся, яко о рождестве твоём мнози возвесели́шася.

Радуйся, яко имя благодатное от Ангела нареченное, получи́вый;/ радуйся, яко именем твоим немотствование отца твоего Захарии разреши́ся.

Радуйся, яко Имя Божие о тебе отцем твоём благослови́ся;/ радуйся, яко о чудном рождестве твоём страх и удивление в окрест живущих яви́ся.

Радуйся, яко по всей стране Иудейстей о дивном рождестве твоём возвестіся;/ радуйся, яко тобою спасение многим в мире сем яви́ся.

Радуйся, великий Иоáнне,/ Пророче, Предтече и Крестителю Господень.

Кондак 3

Сила Вышняго разреши неплодство заматоревшия во днех своих праведныя Елисаветы: зачат бо тя, славный Предтече Господень, и таяшеся месяц пять, глаголющи: яко тако мне сотвори Господь во дни, в няже призре отъяти поношение мое в человецех. Егда же прия Имущую во чреве Христа, исполнися Духа Свята и возопи гласом велиим: “Откуда мне сие, яко прииде Мати Господа моего ко мне!” С Неюже радующися, зываше Богу: Аллилуиа.

Икос 3

Имеяй предъити пред Господем духом и силою Илииною, еще из чрева матери твоея исполнился еси Духа Святаго, отонудуже и Пророк дивный показался еси, егда во утробе матери твоея сый, възыгрался еси радощами пришествию Матере Господни. Бога бо познал еси носима в ложеснах Благодатный и Того матерним гласом проповедал еси: подобаше бо Божественных вещей преславным быти началом. Сему убо благоговейно удивляющеся, с радостию тебе вопием:

Радуйся, еще во утробе матерней предславшаго тя Господа чудным веселием предъяви́вый;/ радуйся, яко тебе ради и матери твоей Елисавете воплощение Христово откры́ся.

Радуйся, яко и та исполнися Духа Свята;/ радуйся, яко и она предивная пророчица явися.

Радуйся, яко от нея Пресвятая Дева Мария Блаженною в женах наречёся;/ радуйся, яко тою Она и Материю Господа наименова́ся.

Радуйся, яко и безсеменный плод Тоя Благословенным пронаречёся;/ радуйся, Премудросте Божественныя предъявление.

Радуйся, святаго супружества благословение; радуйся, неплодных ложесн дивное прозябение.

Радуйся, рождением твоим удививый люди; радуйся, светлый Слова гласе.

Радуйся, великий Иоанне, Пророче, Предтече и Крестителю Господень.

Кондак 4

Бурею сомнения смущенный, иерей Захария не можаше, по словеси ангельскому, проглаголати. Егда же по рождестве твоём Предтече Господень, написа благодатное имя твое, абие отверзошася уста и язык его, и глаголаше, благословя Бога, и пророчества, глаголя: Благословен Господь Бог Израилев, яко посети и сотвори избавление людем Своим, и ты, отроча, Пророк Вышняго наречешися, поя Тому: Аллилуиа.

Икос 4

Слышаша окрест живущии людие о преславном и чудном рождестве твоём, со удивлением глаголаху в себе: “Что убо отроча сие будет?” Мы же тя, преславный Предтече Господень, яко больша всех рожденных женами, достойно чтуще, ублажаем сице:

Радуйся, от зачатия твоего благодатных явлений исполненный; радуйся, в рождестве твоём Богом прославленный.

Радуйся, во младенчестве твоём от отца твоего Пророком Вышняго нареченный; радуйся, во отрочестве твоём Духом Святым просвещенный и укрепленный.

Радуйся, Бога воплотившегося сродник по плоти бывый; радуйся, от Бога высокое звание Предтечи и Крестителя приемый.

Радуйся, заре, свет новый миру возвестившая; радуйся, звездо, путь, ведущий ко Христу, осветившая.

Радуйся, деннице Солнца незаходимаго; радуйся, светильнице Света неугасаемаго.

Радуйся, путь грядущему Христу уготовляяй; радуйся, ангела и человека в себе являяй.

Радуйся, великий Иоанне, Пророче, Предтече и Крестителю Господень.

Кондак 5

Богопротивное веление незаконнаго детоубийцы Ирода изгна тя из дому отча в непроходную пустыню, носима материю, Предтече Господень, идеже и пребывал еси до дне явления твоего ко Израилю, ядый акриды и мед дивий и Богу вопия: Аллилуиа.

Икос 5

Видяще дивное Божие о тебе промышление, Иоанне богохвальне, яко от младенческих пелен постническаго жития любитель показался еси, отнюдуже волею Вышняго послан был еси проповедати людем грядущее во Христе спасение. Сего ради со удивлением и любовью тебе взываем:

Радуйся, яко, еще младенец сый, царя Ирода устрашил еси;/ радуйся, от напраснаго убиения тем десницею Вышняго сохраненный.

Радуйся, пустыни шипок благовонный;/ радуйся, высотой подвигов твоих всех удививый.

Радуйся, праваго пути верный указателю;/ радуйся, чистоты и целомудрия предивный хранителю.

Радуйся, евангельскаго самоотвержения образе совершенный;/ радуйся, монашествующих покрове и утверждение.

Радуйся, богословствующих умов просвещение;/ радуйся, грешным милосердия Божия двери отверзаяй.

Радуйся, кающимся грешником от Господа прощение подаваяй;/ радуйся, плоды достойны покаяния творити помогай.

Радуйся, великий Иоáнне,/ Пророче, Предтече и Крестителю Господень.

Кондак 6

Проповедник славный ты, божественный Предтече, показался еси в пустыни Иорданстей во дни явления Христа Бога миру. Сего бо, Грядущаго к тебе, показал еси людям, глаголя: се, Агнец Божий, возьмляй грехи мира; Егоже мы верою познавше, поем Ему: Аллилуиа.

Икос 6

Возсиял еси свет истины, Иоанне богопросвещение:, всем являяй Славы Отчия сияние, явьшееся плотски нас ради. Вопиял бо еси в пустыни людям: «Покайтесь, приближи бо ся Царствие Небесное: сотворите плоды достойны покаяния. Се бо грядет по мне, Иже крестит вы водою и духом». Сего ради похвальная тебе вопием:

Радуйся, пришествия Мессии возвестителю;/ радуйся, путей Господних уготователю.

Радуйся, ветхия и новыя благодати ходатаю;/ радуйся, пророков пределе и начало апóстолов.

Радуйся, гласе Слова благознаменитый;/ радуйся, покаяния проповедниче велегласный.

Радуйся, многих сынов Израилевых ко Господу обративый;/ радуйся, люди совершенны Господеви уготовавый.

Радуйся, фарисеев и саддукеев дерзновенно обличивый;/ радуйся, плоды достойны покаяния творити научивый.

Радуйся, просвещения духовнаго указателю;/ радуйся, ищущим предстательства твоего неусыпный заступниче.

Радуйся, великий Иоáнне,/ Пророче, Предтече и Крестителю Господень.

Кондак 7

Хотящу от тебе креститися Господу Иисусу, Иоанне богоблаженне, глаголал еси: «Аз требую Тобою креститися», обаче повинуюся, рекшу То-

му: “Остави ныне”, воздвигл еси десницу твою на главу Его и, крестив не требующаго очищения, вопиял еси: Аллилуиа.

Икос 7

Новую подал благодать креститися изволивый от тебе Господь, сподобитя Духа пришествие видети и глас Отческий с Небесе, свидетельствующий Его Сыновство, слышати. Отнюдуже в Трех Лицах Единому Богу поклонятися нас научил еси, Егоже бренными прославляюще устнами, в похвалу сия; тебе приносим:

Радуйся, Троическаго Богоявления первый проповедниче;/ радуйся, в Трех Лицах Единого Бога истинный поклонниче.

Радуйся, Духа Святаго в виде голубине яснозрителю;/ радуйся, снисхождения Его от Отца на Сына свидетелю.

Радуйся, гласа с Небесе от Бога Отца слышателю;/ радуйся, явление любви Отчи к Сыну созерцателю.

Радуйся, Сына Божия избранный Крестителю;/ радуйся, воли Его святых исполнителю.

Радуйся, славнаго служения спасению рода человеческого ревностный рачителю;/ радуйся, великаго Таинства Крещения первый совершителю.

Радуйся, Божественная радости вестниче;/ радуйся, Нового Завета первый учителю.

Радуйся, великий Иоанне,/ Пророче, Предтече и Крестителю Господень.

Кондак 8

Странное и неизреченное смирение воплотившагося Бога Слова видево, богоблаженне Крестителю, Божественную Свою главу приклонивша и рабское крещение приемша, ты и сам весь исполнился еси великаго смирения. Испроси убо боголюбезную добродетель сию и нам, одержимым гордостью, яко да от сердца смиренна вопием ему: Аллилуиа.

Икос 8

Весь благодатных дарований исполненный, течение временная жизни

скончавая, Иоанне богознамените, всех поучал еси исполнением Закона и покаянием благоугождати Господеви. Сего ради благодарственное хваление тебе, великому учителю истины, воспеваем:

Радуйся, Закона и оправданий Господних насадителю;/ радуйся, Ирода беззакония обличителю.

Радуйся, о исправлении того рачителю;/ радуйся, правды ради темничное заключение и узы претерпевый.

Радуйся, за истину во главу усеченный;/ радуйся, яко тело твое от учеников твоих честно погребся.

Радуйся, яко Божиим смотрением глава твоя нетленна соблюдеся;/ радуйся, яко та на утешение, освящение и цельбы христианом дадеся.

Радуйся, яко и деснице твоей, крестившей Господа, вернии благочестне поклоняются;/ радуйся, яко от тебе многая чудеса теми донине совершаются.

Радуйся, яко тобою вернии от страстей безчестия избавляются;/ радуйся, яко тобою грешнии к покаянию воздвизаются.

Радуйся, великий Иоанне,/ Пророче, Предтече и Крестителю Господень.

Кондак 9

Все естество ангельское удивися высоте служения твоего, и Церковь благоговейно прославляет тя, яко друга Христа Бога, предшедшаго пред Ним духом и силою Илииною. Ревнуя бо по истине, дерзновенно обличал еси фарисеев и беззаконнаго Ирода, от него же и мученическую кончину приял еси. Поклоняющеся убо честней главе твоей, молимся ти: избави нас от страстей безчестия, да чистым сердцем и усты поем: Аллилуиа.

Икос 9

Ветийство всякое земнородных не довлеет достойно восхвалити тя, Иоанне богохвальне: тебе бо уста Христова похвалиша, высша пророков и больша всех рожденных женами тя наименоваша. Отнюдуже достойную похвалу принести тебе недоумевающе, вопием ти сицевая:

Радуйся, Церкви Христовы великая славо;/ радуйся Ангелов предивное чúdo.

Радуйся, праотцев радость и прославлéние;/ радуйся, пророков высóкая похвалó.

Радуйся, апостолов богосветлый вéнче;/ радуйся, святителей велелéпая красотó.

Радуйся, мучеников в новой благодати начáло;/ радуйся, преподобных совершéние.

Радуйся, праведных удобрéние;/ радуйся, девственников и постников основáние.

Радуйся, всех христиан великое утешéние;/ радуйся, яко от всех христианских родов имя твое прославляется.

Радуйся, великий Иоáнне,/ Пророче, Предтече и Крестителю Господень.

Кондак 10

Спасти мир Пришедшаго во плоти Христа Бога благовестил еси и сущим во аде, якоже бо денница, предходящая солнцу, осветил еси во тьме и сени смертной сидящих. Отнюдуже вскоре Господем изведен был еси со всеми от века праведными, поя Ему, яко Избавителю и Победителю смерти: Аллилуиа.

Икос 10

Стена еси и прибежище спасительное всем, молитвенно к тебе притекающим, божественный Иоанне. Сего ради песнями похвальными ублажаем тя сице:

Радуйся, мощный заступниче наш и верный от бед хранителю;/ радуйся, злостраждущих от духов злобы скорый помощниче и избáвителю.

Радуйся, неплодствующим благословение от Бога низпосыла́й;/ радуйся, притекающих к тебе с верою от треволнения страстей избавля́й.

Радуйся, во вражде сущих скоро умиротворя́й;/ радуйся, во всякой нужде и печали усердно притекающим к тебе скорую помощь подава́й.

Радуйся, благотекущих от самообольщения и прелести изымаяй;/ радуйся, вручающим себе твоему ходатайству в час смертный помогай.

Радуйся, любящих тя от воздушных мытарств предстательством твоим свободяяй;/ радуйся, почитающих славную память твою вечныя жизни молитвами твоими сподобляяй.

Радуйся, нищих и вдовиц и сирот заступленье;/ радуйся, по Бозе и Богородице христианом прибежище и упование.

Радуйся, великий Иоанне,/ Пророче, Предтече и Крестителю Господень.

Кондак 11

Пение всякое не довлеет по достоянию доблестей твоих восхвалити тя, Крестителю Господень. Но мы, любовию понуждени, дерзаем воспевати величия твоя, еже милостивно прими от нас, первостоятелю у Престола Пресвятыя Троицы, и моли свободитися нам от всякия скверны греховныя, да чистым сердцем и устнами поем Богу: Аллилуиа.

Икос 11

Светильника Света неприступнаго и всесветлых благодатных дарований всего исполнена ты, Иоанне богопросвещенне, ведуще, радостно приносим ти таковая:

Радуйся, самовидче озарившаго тя свыше Божественнаго Света;/ радуйся, светом добродетелей твоих прославивый Бога.

Радуйся, Пресвятыя Троицы велелепую славу явивый;/ радуйся, правый и дивный путь к Небеси показавый.

Радуйся, и сущим во аде Бога, явльшагося во плоти, благовестителю;/ радуйся, душ праведных, от века в преисподней держимых, возвеселителю.

Радуйся, Владыки Христа Бога друже искренний;/ радуйся, явивый миру Свет истинный.

Радуйся, светозарное света евангельского сияние; радуйся, рода христианскаго прославленье.

Радуйся, Совета Божия исполнѣние;/ радуйся, яко от восток солнца даже до запад хвальнѣ имѣя твоѣ.

Радуйся, великий Иоанне,/ Пророче, Предтече и Крестителю Господень.

Кондак 12

Благодати тезоименитый Крестителю Господень и тою обогатився, победоносец преславный показался еси: победил бо еси враги и всякую злобу и великое служение твое мученическим подвигом запечатлел еси. Ныне же, предстоя Престолу Царя царствующих, моли его даровати верным победы на враги и во всем благопоспешение, в добродетелех же благодатное укрепление, поющим ему: Аллилуиа.

Икос 12

Поюще Бога, дивно в тебе прославльшагося, хвалим тя, богоблаженне Крестителю, яко искренняго друга Христова, прославляем великия подвиги твоя, ублажаем мученическую кончину твою и сицевая радостно вопием ти:

Радуйся, вселенский апостоле и Новаго Завета первомучениче;/ радуйся, явлением Христа на земли открывшагося Царствия Небеснаго первый проповѣдникъ.

Радуйся, языков Божественное призвание предвозвестивый;/ радуйся, безвестная и тайная премудрости Божия миру явивый.

Радуйся, божественными деянии плодоносен паче иных явивыйся;/ радуйся, яко светом дел твоих прославися Отец Небесный.

Радуйся, яко о памяти твоей Церковь Христову веселиши неизреченно;/ радуйся, яко ныне вечнаго наслаждаешься веселия изобильно.

Радуйся, божественными лучами Трисолнечнаго Света осияваемый;/ радуйся, яко со безплотными Трисвятую песнь Богу немолчно вопиѣши.

Радуйся, яко ныне, зеркалом разрешимся,/ несредственне зриши Святую Троицу.

Радуйся, великий Иоанне,/ Пророче, Предтече и Крестителю Господ-

день.

Кондак 13

О великий и преславный Предтече и Крестителю Господень Иоанне, прими от нас ныне приносимое тебе моление и твоими богоприятными к Богу молитвами избави нас от всякаго зла, и вечныя изми муки, и наследниками Царствия Небеснаго соделай, да во веки поем Богу: Аллилуиа.

Этот кондак читается трижды, затем икос 1

Икос 1

Архангел Гавриил, предстояй пред Богом послан бысть ко иерею Захарии, егда той служба по чину чреды своея, вниде показати в церковь Господню, и, представ одесную алтаря кадилаго, благовествоваше о твоём рождестве, великий Иоанне, возвещая Захарии радость и веселие и яко мнози о рождестве твоём возрадуются. Сего ради и мы, дивному о тебе Божию благоволению чудящися и радующися, со благоговением в похвалу тебе вопием:

Радуйся, Совета Божия неизреченного тайнниче;/ радуйся, дивнаго смотра Его исполненье.

Радуйся, прежде лет многих пророчеством Исаии проявленый;/ радуйся, вестниче пред лицом Господним, древне прореченный.

Радуйся, предназначеный быти великим пророком Вышняго;/ радуйся, по обетованию Ангела рожденый.

Радуйся, еще во чреве матере твоея Духа Святаго исполненный;/ радуйся, прежде рождества твоего на великое служение извещенный.

Радуйся, неплодства родителей разрешенье;/ радуйся, иерея Божия радость и веселье.

Радуйся, дочери Аароновы прозябенье;/ радуйся, плод молитвы Богодарованный.

Радуйся, великий Иоанне,/ Пророче, Предтече и Крестителю Господень.

и кондак 1:

Избранный от лет древних быти Предтечу/ и Крестителем Спасителя мира Христа Бóга,/ Иоанне богохвальноне,/ прославляюще прославльшаго тя Гóспода,/ похвальная восписуем ти, яко большему всех рожденных женами,/ во плоти ангелу, покаяния проповеднику./ Ты же, яко имей велие дерзновение ко Гóсподу,/ от всяких бед свободя/ и к покаянию воздвизай нас, любовьию тебе зовущих://

Радуйся, великий Иоанне,/ Пророче, Предтече и Крестителю Господень.

Внимание! Прокимен на 7 июня!

Скончавшуся же акафисту диакон глаголет абие: Вонмем, премудрость, вонмем.

Прокимен, глас 7: Тамо возвращу рог давидови, уготовах светильник помазанному моему. **Стих:** Помяни, Господи, Давида и всю кротость его.

Всякое дыхание: Евангелие Луки, зачало ѿ.

Слава Отцу и Сыну и Святому Духу/ Молитвами святаго славнаго пророка, предтечи и крестителя Господня Иоанна,/ Милостиве, очисти// множества согрешений наших.

И ныне и присно и во веки веков. Аминь/ Молитвами Богородицы,/ Милостиве, очисти множества согрешений наших.

Помилуй мя, Боже,/ по велицей милости Твоей,/ и по множеству щедрот Твоих// очисти беззаконие мое.

Стихира на момент 7 июня!**По 50-м псалме стихиры, глась 7:**

Яже первее на блюде, Иродову беззаконную нечистоту обличившая, покаяние же всем проповедавшая верным, честная глава Крестителя Христова, от сокровищ земных явльшаяся, предлежит, верно притекающим к ней, и прикасающимся со страхом, и покланяющимся любовью душевною, дарующая разрешение прегрешений, прощением подает потребная, и велию милость.

И по сих глаголет диакон: Спаси, Боже, люди Твоя и благослови достоинство Твое, посети мир Твой милостию и щедротами, возвыси рог христиан православных и низпосли на ны милости Твоя богатая: молитвами Всепречистыя Владычицы нашея Богородицы и Приснодевы Марии, силою Честнаго и Животворящаго Креста, предстательства честных небесных сил бесплотных, честнаго славнаго Пророка, Предтечи и Крестителя Господня Иоанна, святых славных и всехвальных апостол, иже во святых отец наших, и вселенских великих учителей и святителей: Василия Великаго, Григория Богослова и Иоанна Златоустаго, иже во святых отца нашего Николая, архиепископа Мирликійскаго, чудотворца, святых равноапостольных Мефодия и Кирилла, учителей словенских, святых равноапостольных великаго князя Владимира и великия княгини Російския Ольги, иже во святых отец наших всея России чудотворцев: Михаила, Петра, Алексия, Ионы, Филиппа, и священномучеников патриархов Иова, Ермогена и Тихона, святителей Макария, Иннокентия и Филарета, митрополитов Московских, святителя Димитрия, митрополита Ростовскаго, святителя Владимира, митрополита Кіевскаго и Галицкаго, святителя Вениамина, митрополита Петроградскаго, святых славных и добропобѣдных мучеников, святаго великомученика и победоносца Георгия, святаго великомученика и целителя Пантелеймона, святых благоверных князей Александра Нѣвскаго, Даниила Московскаго и Димитрия Донскаго, святых царственных мучеников и страстотерпцев Царя Николая, Царицы Александры, Царевича Алексия, Великих княжѣн Ольги, Татианы, Марии и Анастасии, преподобных и богоносных отец наших: Сергия и Никона, игуменов Радонежских, преподобных Антония и Феодосия и прочих КіевоПечѣрских чудотворцев, преподобнаго Серафима Саровскаго, преподобнаго Иова, игумена Почаевскаго, преподобномученика Корнілія ПсковоПечѣрскаго, преподобнаго Амвросія, старца Оптинскаго, преподобнаго Пайсія Величковскаго, преподобных схимонаха Кирилла и схимонахини Марии, святаго праведнаго Иоанна Кронштадтскаго чудотворца, святыя блаженныя матери Ксении Петербургския, святых преподобномучениц Великия княгини Елисаветы и инокини Варвары, святых и праведных богоотѣц Иоакима и Анны, и всех святых, молим Тя, Многомилостиве Господи, услыши нас, грешных, молящихся Тебе, и помилуй нас.

Лик: Господи, помилуй. (12 раз.)

Возглас: Милостию и щедротами, и человеколюбием Единородного Твоего Сына, с Нимже благословен еси, со Пресвятым и Благим, и Животворящим Твоим Духом, ныне и присно, и во веки веков.

Лик: Аминь.

Песнь 7

Ирмос: Богопротивное веление/ беззаконнующего мучителя высок пламень вознесло есть;/ Христос же простре богочестивым отроком/ росу духовную, // сый благословен и препрославлен.

Припев: Святыи великий Иоанне Предтече Господень, моли Бога о нас.

Из корене секирою твоего покаяния исторг язвы страстного сердца моего, всади, Предтече, Божественное безстрастие и страх чистейшии Божии, всякия злобы отчуждающий мя.

Припев: Святыи великий Иоанне Предтече Господень, моли Бога о нас.

Во струях Иорданских яко крестил еси покрывающаго водами превысшняя Господа, Того моли воду даровати Божественнаго умиления присно очима моима, славный Предтече.

Слава: Иже миру вземлющаго грех, Агнца Божия, Предтече, проповедав, Того моли от козлищ части явити мя чужда, и десным Его овцам и мене сочетати, славне.

И ныне: Небродная утроба носяше Тя, Дево, во чреве носившую Слово воплощено: Егоже Божественными взыграниц великии Предтеча, небродныя всесвятыи плод, позна радуясь и поклонися.

Песнь 8

Ирмос: Пещь иногда огненная/ в Вавилоне действия разделите,/ Божиим велением халдеи опаляющая,/ верныя же орошающая, // поющия: благословите, вся дела Господня, Господа.

Припев: Святыи великий Иоанне Предтече Господень, моли Бога о нас.

Дажь десницу мне, на земли лежащему, Предтече, иже десницу простер, омыл еси водами Несквернаго: и избави мя скверны телесныя, всего мя очищающая покаянием, и спаси мя.

Припев: Святы́й великий Иоанне Предтече Господень, моли Бога о нас.

Имущи, душе, время покаяться, лености тяжчаишии сон оттряси и спешно побди, вопиючи Владыце твоему: Милосерде, ущедрь мя, Крестителя Твоего мольбами.

Припев: Святы́й великий Иоанне Предтече Господень, моли Бога о нас.

Потоцы страстей и воды злобы до души моеи внидоша: блаженне Предтече, потщися скоро изъята мя, иже речными струями измыл еси безстрастия тишаишую пучину.

Слава: Увы мне, многа зла сотворшему! увy мне, единому прогневавшему Бога Преблагаго! Крестителю Христов, помози ми, и подаждь прегрешении моих разрешение, и долгов моих отсечение ходатаиствы твоими.

И ныне: Вышняго Бога плотию рождающая, от гноя мя возстави страстей, оскорбляющих мя: и люте всего обнищавша, Божественными обогати, Пречистая, добродетельми, яко да воспою Тя спасаемь.

Песнь 9

Ирмос: Безначальна Родителя Сын, / Бог и Господь, воплощен от Девы, / нам явися, омраченная просветити, / собрата расточенная, // тем Всепетую Богородицу величаем.

Припев: Святы́й великий Иоанне Предтече Господень, моли Бога о нас.

Кала мя избави греховнаго, Господи, Безгрешне Едине и Многомилостиве, Крестителя мольбами, иже Тебе проповеда всему миру Агнца Божия, вземлющаго человеков грехи.

Припев: Святы́й великий Иоанне Предтече Господень, моли Бога о нас.

Яко шипок благовонен, яко благоуханный кипарис, яко неувядаемьи крин, яко миро честно имейи тя, Господень Предтече, моих дел злосмрадия избавляюся молитвами твоими, притекая к покрову твоему.

Припев: Святы́й великий Иоанне Предтече Господень, моли Бога о нас.

Неплодствовати мя неплодными делы, всеблаженне, сотвори, добродетели благоплодие присно приносяща, чадо мя Господне твоя, и причастника Божественному Царствию, и святых собору купножителя.

Слава: Нам любящим тя, любовию почитающим, и в Божественном храме твоём ликующим, даждь с небесе разрешение лютых, Предтече Господень, и жития исправление, и прегрешении избавление.

И ныне: Носиму во утробе Богоматерни, вся носящему манием, поклонился еси, пророче: с Неюже моли смиренней спастися души моеи, во многая впадающей по вся дни согрешения.

Внимание! на 7 июня:

Тя паче ума и словесе Матерь Божию,/ в лето Безлетнаго неизреченно рождшую// вернии единомудренно величаем.

И абие: Достойно есть яко воистинну/ блажити Тя, Богородицу,/ Присноблаженную и Пренепорочную/ и Матерь Бога нашего./ Честнейшую Херувим/ и славнейшую без сравнения Серафим,/ без истления Бога Слова рождшую,// сущую Богородицу Тя величаем.

Чтец: Святыи Боже, Святыи Крепкий, Святыи Безсмертный, помилуй нас. **(Трижды.)**

Слава Отцу и Сыну и Святому Духу, и ныне и присно, и во веки веков, аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имени Твоего ради.

Господи, помилуй. **(Трижды.)**

Слава Отцу и Сыну и Святому Духу, и ныне и присно и во веки веков, аминь.

Отче наш, Иже еси на небесех, да святится имя Твое, да приидет Царствие Твое, да будет воля Твоя, яко на небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Возглас: Яко Твое есть Царство, и сила, и слава, Отца и Сына и Святаго Духа, ныне и присно, и во веки веков.

Чтец: (Лик?) Ами́нь.

Внимание! 7 июня этих тропарей не было! (тропарь и кондак к 7 июня)

Тропарь, глас 4

Яко Божественное сокровище/ сокровенное от земли/ Христос откры главу твою нам/ Проро́че и Предте́че/ вси убо сошедшееся в сия обрѣтение/ песньми Богоглаголивыми Спа́са воспойм, // спасающа нас от тления молитвами свои́ми.

Слава и ныне, кондак, глас 6:

Светоявленный и Божественный/ в мире столп, солнца свети́льник,/ Предтеча главу светоносную и божѣственную свою́/ показавый в концѣх,/ освящает той верно поклоняющихся и взыва́ющих:// Христов премудрый крестите́лю, // спаси́ всѣх нас.

Или: слава, кондак; и ныне Богородичен, глас 6:

Благословенную Нарекий Твою Матерь,/ пришел еси на страсть вольным хотением,/ возсияв на Кресте,/ взыскати хотя Адама, глаголя Ангелом:/ срадуйтеся мне, яко обретесе погибшая драхма. // Вся мудре устройый, Боже наш, слава Тебе.

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй. (Трижды.)

Еще молимся о Великом Господине и Отце нашем Святейшем Патриарсе Алексии и о всем во Христе братстве нашем, и о всякой души христианстей, скорбящей же и озлобленной, милости Божией и помощи требующей, о покровении града сего и живущих в нем, о мире и состоянии всего мира, о благостоянии святых Божиих Церквей, о спасении и помощи со тщаем и страхом Божиим труждающихся и служащих отец и братии наших, о оставльшихся и во отшествии сущих, о исцелении в немощех лежащих, о успении, ослабе, блаженной памяти и оставлении грехов всех преждеотшедших отец и братии наших, zde лежащих и повсюду православных, о избавлении плененных, и о братиях наших во службах сущих, и о всех служащих и служивших во святем храме сем (во святей

обители сей) рцем.

Ещё молимся о еже сохранитися граду сему и святому храму сему (**святий обители сей**) и всякому граду и стране, от глада, губительства, труса, потопа, огня, меча, нашествия иноплеменников и междоусобных брани, о еже милостиву и благоувеличиву быти благому и человеколюбивому Богу нашему, отврати всякий гнев на ны движимый, и избавити ны от лежащего и праведнаго Своего прещения, и помилвати ны.

Ещё молимся о милости, жизни, мире, здравии, спасении, посещении, прощении и оставлении грехов рабов Божиих, братии и прихожан святого храма сего (**святых обители сия**) и всех zde ныне нами поминаемых, и всех zde предстоящих и молящихся.

Ещё молимся, и о еже услышати Господу Богу глас моления нас грешных, и помилвати нас.

Возглас: Услыши ны, Боже, Спасителю наш, упование всех концев земли и сущих в мори далече: и милостив, милостив буди, Владыко, о гресех наших, и помилуй ны. Милостив бо и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков.

Лик: Аминь.

Диакон: Ко святому, славному пророку, предтече и крестителю Господню Иоанну помолимся.

Лик: Святый славный пророче, предтече и крестителю Господень Иоанне, моли Бога о нас.

Молитва первая

Крестителю Христов, честный Предтече, крайний пророче, первый мучениче, постников и пустынников наставниче, чистоты учителю и ближний друже Христов! Тя молю, и тебе прибегая не отрини мене от твоего заступления, не остави мя падшего многими грехи; обнови душу мою покаянием, яко вторым крещением; очисти мя, грехи оскверненнаго, и понуди внити, иможе ничтоже скверно входит, в Царствие Небесное. Аминь.

Молитва вторая

Крестителю Христов, проповедниче покаяния, кающегося не презри мене, но совокупляясь с вои Небесными, молися ко Владыце за мене, недостойного, унылаго, немощнаго и печальнаго, во многия беды впадшаго, утружденнаго бурными помыслы ума моего. Аз бо есмь вертеп злых дел, отнюдь не имеяй конца греховному обычаю, пригвожден бо есть ум мой земным вещем. Что сотворю? Не вем. И к кому прибегну, да спасена будет душа моя? Токмо к тебе, святой Иоанне, благодати тезоимените, яко ты пред Господем по Богородице вем больша быти рожденных всех, ты бо сподобился еси коснуться верху Царя Христа, вземлющаго грехи мира, Агнца Божия. Егоже моли за грешную мою душу, да поне отныне, в первый надесять час, понесу тяготу благую и прииму мзду с последними. Ей, Крестителю Христов, честный Предтече, крайний Пророче, первый во благодати мучениче, постников и пустынников наставниче, чистоты учителю и ближний друже Христов! Тя молю, к тебе прибегаю: не отрини мене от твоего заступления, но возстави мя, низверженнаго многими грехи. Обнови душу мою покаянием, яко вторым крещением, понеже обоего начальник еси: крещением омываяй прародительный грех, покаянием же очищаяй коегождо дело скверно. Очисти мя, грехами оскверненнаго, и понуди внити, аможе ничтоже скверно входит, в Царствие Небесное. Аминь.

Лик: Аминь.

Диакон: Премудрость.

Священник: Пресвятая Богородице, спаси нас.

Лик: Честнейшую Херувим и славнейшую без сравнения Серафим, без истлѣния Бога Слова рождшую, сущую Богородицу Тя величаем.

Священник: Слава Тебе, Христе Боже, упование наше, слава Тебе.

Лик: Слава Отцу и Сыну и Святому Духу, и ныне и присно, и во веки веков, аминь.

Господи, помилуй. (Трижды.)

Святейший Владыко, благослови.

Священник: Христос истинный Бог наш, молитвами Пречистой Своей Матери, святых преподобномучениц Великия княгини Елисаветы и инокини Варвары и всех святых, помилует и спасёт нас, яко благ и Человеколюбец.

Лик: Господи, помилуй. (Трижды.)

Внимание! на 7 июня:

Величание Предтече: Величаем тя, / Предтече Господень Иоанне, / и почитаем вси / честныя твоя главы // обречение.

Величание Вознесению: Величаем Тя, / Живодавче Христе, / и почитаем Еже на небеса, / с Пречистою Твоею плотию, / Божественное Вознесение.

Величание Предтече: Величаем тя, / Предтече Господень Иоанне, / и почитаем вси / честныя десницы твоя // пренесение.